



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput VII. Satisfit Casuisticis argutiis in contrarium.

[urn:nbn:de:hbz:466:1-73203](#)

revera deferat, intra se addendo, ex quo de-
beatur vestigia.

81 Collige 6°. reum à Judice non legitimè interrogatum de crimine quod committit, jurare non posse, quod non commiserit, intra se subintelligendo, sic ut teneat tibi dicere. Nec testem, contra juris ordinem interrogatum de delicto, cuius habet scientiam, absque perjurio jurare posse, se nescire, sub ea-
dem mentali restrictione. Et idem de aliis ejusmodi casibus. Tamen etiam Casuista non pauci contra sentiant: præ illis colenda & diligenda est veritas, nec audiendi, qui di-
vinam illius lucem opinionum suarum tene-
bris obnubilare nituntur; sed illis præferenda
divina oracula, Sanctorumque traditio, al-
latæque rationes validissimæ in contrarium.
Neque enim responsiones illæ, eriam in cir-
cumstantiis illis, id exterius significant, quod Casuista illi prætendunt, neque ullus San-
ctorum veterum Doctorum sic eas intel-
lexit.

CAPUT VII.

Satisfit Casuisticis argutis in contrarium.

82 Objicies 1°. exempla Scriptura: siquidem Jacob Genel. 27. dixit: *Ego sum primogenitus tuus Esau*, mente subintelligendo, quoad jus acquisitum per emptionem primogeniturae ipsius. Imò Christus ipse Marci 13. *De die autem illo, vel hora nemo scit, neque Angelus in celo, neque Filius, nisi Pater, id mente intelligendo de scientia revelabili. Joannis quoque 7. Ego non ascendam ad diem festum hunc*, subintelligendo vobis cum; vel non ascenda manifeste, ut haec tenus; clam enim ascendit.

Respondeo 1°. factum Jacob non posse: Adversarii servire: quia si secundum verbo-
rum corticem intelligatur, patrem decipere voluit; quod illicitum ipsi farentur. 2°. nec Jacob, nec Christum restrictione mentali u-
sum, sed Jacob Prophetam, Isaac Prophetam, propheticè ac mysticè locutum, prout statim propheticè & mysticè Isaac intellexisse, pater ex contextu. *Enimvero pudor est quod mentalium restrictionum patroni res tam sublimes, Deo Autore divinitus gestas (de quibus Au-*
gustinus, l. 16. de Civit. Dei c. 37. exclamat: O res gestas, sed prophetice gestas! in terra, sed calitu! per homines, sed divini-
*tus!) ad consuetum morem & intellectum rerum humanitatis gestarum intelligi velint. Significationis verborum hominis Deus est Do-
minus, longè potiori ratione, quam Rex val-
loris monetarum, quem modò elevat, mo-
dò deprimit, prout bono Statu expedite ju-
dicaverit. Hac itaque ratione Deus, humana verba à vulgari sensu & usu suo elevavit ad sensum mysticum, prorsusque divinum, sicut
que facta & verba Jacob elevavit ad signifi-
candum, quod natu major, populus scilicet Iudaorum, serviret minori, populo scilicet Gentium, quodque electis reprobri servirent,*

& divinis in promissionibus, seu praordinationibus, prælati essent. Hoc est quod Rebeccam interius docuit Spiritus sanctus. Et idèo, cum diceret ei Jacob, timere se ne pa-
ter putaret voluisse se illudere ci, induceret que super se maledictionem, loco benedi-
ctionis; intrepide respondit: *In me sit ista ma-
ledictio, fili mi: tantum audi vocem meam.* Nec certè deceptum se fuisse conquesitus est Isaac post datam benedictionem Jacob; imò con-
fessim revelato sibi intus in corde magno Sacra-
mento, devitatem indignationem, confirmat bene-
ditionem. *Quis non hic maledictionem potius
expectaret iram, si hac non superna inspiratio-
ne, sed terreno more gererentur?* inquit Au-
gustinus ibidem. Jacob itaque patrem men-
ti restrictione fraudulenter non decepit; quin-
mo, *iste dolus, si dolus, Jacob, ne fraudu-
lentus putaretur, & non magna rei mysterium
quareretur, superius predixit Scriptura:* “Et “
erat Esau sciens venari, agrestis; Jacob au-
tem homo simplex, habitans domum. “Nihil
proinde per duplicitatem fecit. Christus ve-
rò, ut Magister & Propheta, missus ad do-
cendum discipulos, de die judicii interroga-
tus ab ipsis: respondit in ea qualitate ea se
solum scire, qua Pater voluit ut ipsis nota
faceret, & pro quibus edocendis ad ipsos
missus fuerat. Et hoc modo Marci 13, dixit
se diem illum non scire: quia non erat ipso-
rum *scire tempora, & momenta, qua Pa-
ter posuit in sua potestate*, prout ipsis dixisse fer-
tur Acto. 1. Ista proinde subintellæcio me-
rè interna non fuit, sed externè perceptibilis ex
circumstantiis personæ loquentis, simul & per-
sonarum interrogantium. Quomodo etiam
Joannis 7. Christus rogabatur, ut manifeste
ascenderet cum discipulis suis, prout ascende-
re solitus erat; rogabatur enim ut se suaque
opera ibi manifestaret: attentis proinde cir-
cumstantiis illis, externis, responso ipsius in-
terrogationi congrua fuit. Et revera non al-
cendit sic, sed quasi in occulto; nec ibi tunc
miracula fecit, quia ea ibi faciendi tempus
nondum advenerat. Illud tamen addiderim, 83
in Bibliis Sixtinis non legi, *Ego non ascendam;*
sed, *Non ascendam ad diem festum istum.* Errevera
textus Græcus sic habet: *Ego nondum ascen-
do*, ut notat Jansenius Gand. in sua Concordia
c. 73. testaturque Erasmus (apud ipsum) vīla
à se exemplaria antiqua, qua pro non habent
nondum. Quod verissimum fuit: nondum enim
ascendit, cum discipuli ascenderunt; sed altera
die postquam discipuli ascenderant. Augustinus
autem observat, Christum dixisse: *Vos
ascendite ad diem festum hunc; ego autem non
ascendo ad diem festum istum*, ut sensus sit:
Vos ascendite ad primum diem festi Scenope-
giæ (quod per septem dies durabat) ego au-
tem non ascendo ad primum illum diem, cæ-
teris celebriores; sed ad alium, v. g. secun-
dum diem ejusdem festivitatis, ut revera al-
cendit.

Pro solutione aliorum ejusmodi sacrorum 84

o 3°

textum sapienter monet Clerus Gallicanus, in censura anni 1700. mysticè, prophetice, parabolicè, sive reconomicè ad infinitandam altius veritatem dicta, vel tacita, cum vulgaribus gestis non esse confundenda; vulgariter probinde non esse intelligenda; sed sensu à Spiritu sancto intento, ex circumstantiis colligendo.

85 Objicies 2°. juramenti significatio accipienda est juxta intentionem proferentis: ut pote quæ verum facit id quod jurat, juxta id quod dicitur can. *humane aures 22. q. 5.* *Humana aures verba nostra talia judicant, qualia foris sonant; divina vero iudicia, talia ea audiunt, qualia ex inimis proferuntur...* Non debet alius verba considerare, sed voluntatem & intentionem, quia non debet intentio verbis deservire, sed verba intentioni. Subdit Gratianus, inde patere, quid Deus non accipit sic juramentum, sicut ille cui juratur, sed potius sicut qui jurat, intelligit.

Respondeo ita esse quando aliquis absque dolo, bonâ fide jurat: tunc enim licet verba ab hominibus accipiuntur, prout foris sonant; Deus illa audit, prout simplici corde profertur. Verum ubi dolus intervenit ex parte proferentis, verba ipsius à Deo non audiuntur secundum intentionem ipsius, alienam à communi significatione, sed secundum sanum, id est communem sensum ejus cui juratur, prout constat ex Scriptura, Patribus, & rationibus supra allatis, docetque S. Thomas q. 89. a. 7. ad 4. *Quando non est eadem jurantis intention, & ejus cui jurat, si hoc procedat ex dolo jurantis, debet juramentum servari secundum sanum intellectum ejus, cui juramentum prestatur.* Et hoc est, quod can. quācumque arte ibidem ex Isidoro dicitur: *Quācumque arte verborum quisque juret; Deus ramen, qui conscientia testis est, ita hoc accipit, sicut ille, cui juratur, intelligit.*

86 Objicies 3°. multa nobis & proximis incommoda sequentur, si deberemus semper candidè & sincerè aperire totum quod sciimus, nec possemus subinde ex causa aliquid mente retinere. Tunc enim intolerabilis fieret humana conversatio, si v.g. nobiles mulieres, quibus adversa quandoque valetudo, vel negotia, seu alia impedimenta non semper permittunt recipere personas quæ ad ipsas veniunt, sive honestæ visitationis, sive importunæ petitionis gratiæ, famulis præcipere non possent, ut dicentes se domo exiisse, intelligendo manè, vel hæsternā die, licet vera domi sint.

Respondeo 1°. quid longè plura, & absque comparatione graviora toti humano generi incommoda sequentur, si restrictionum purè mentalium usus permitteretur. 2°. ex universali earum prohibitione nulla sequi vera incommoda, quæ ab homine Christiano Christianæ sinceritat, simplicitati, veracitati & honestati non sint postponenda. Nec verum esse incommodum illud, quod nobiles illæ mulieres allegant; imò inanem esse præ-

textum. Si enim revera impeditæ sint, vel non rectè valentes, id significati jubeant aedificibus, si impeditæ non sint, visitationes, etiam onerosas, potius recipiant, quam mentiantur, famulivè mendacium imperent. Hoc est enim contra honestatem & societatem, ex qua homo debet alteri veritatis manifestacionem, ut Augustinus dicit l. contra mendac. c. 18. Et quia homo est animal sociale, naturaliter debet alteri id sine quo societas servari non potest, sinceram utique veritatis manifestacionem, ut dicit S. Thomas q. 109. a. 3. Alienar proinde sunt à christiana honestate & societate, quæ restrictionum artem famulis imperant, tot mendaciorum reæ, quorū à suis domesticis proferuntur.

Instabis, gravissimum incommodum esset, Confessario interrogato de crimen in Confessione auditio, si respondere non posset, nihil scire; item reo illegitimè interrogato à Juge, si respondere non posset, se cumen non fecisse, quod fecit, &c.

Respondeo 1°. de quocumque sermo sit, graviora ipsi contingere non posse incommoda, quam sit illud ex Augustino suprà relatum, de morte patris agrotantis, & damnatione æternâ hominis non baptizati, ad quam vitanda Augustinus non centuit licitum mentiri, nec mentali restrictione uti. 2°. de Confessario satius dictum est suprà num. 78. reum autem, licet illegitimè interrogatum, dicere non posse se non fecisse: quia scienter, adequa mendaciter diceret & juraret fallum. Neque enim verum est quidcircumstancia illegitimæ interrogationis denotet sensum illum, quem Calvitas prætendunt, quid non fecerit si ut Judici illegitimè interroganti crimen illud fateciatur: siquidem ad hoc significandum, etiam in circumstantiis illis, voces illæ non sunt instituta. Respondeat ergo potius, se non teneri ad respondendum. Quid est enim in eo tergiversandum, si hoc calvinista illa responsio significet?

Objicies 4°. nimis dura & difficilis est do- 88 Etina illa nostra.

Respondeo duram & difficilem non esse diligentibus veritatem, que Deus est, sed seipso magis quam veritatem amantibus. Imò, teste Gregorio p. 3. Pastoral. c. 12. nihil ad dicendum veritate facilius. Nam dum fallaciam suam homines tueri conantur, duro labore faugamur. Hinc namque scripturæ est: "Labor autem iporum operiet eos... Hinc per Hierenniam dicitur: "Docuerunt linguis suam loqui mendacium: ut iniquè aegerent, laboraverunt; " ac si aperte dicebatur: *Qui amici veritatis esse fin' labore poterant, ne peccent, laborant: cùmque vivere simpliciter renunt, laboribus exigant ut moriantur.* Nam plerumque in culpa deprehensum quales sint cognosci refugunt; sejus sub fallacia velamen abscondant. Idem ante Gregorium dixerat Augustinus in PL 129. Laborant homines legi mendacium, rati veritatem

Amor sine rever. magna non usurpans S. Dei nomen. cxj

tem tota facilitate loquuntur. Ille enim labo-
rat, qui singul qnod dicit. Nam qui verum
vult dicere, non laborat. Ista enim veritas si-
ne labore loquitur. De homine ergo hoc Psal-
mista dicit Deo: Me proteget umbraculum
tuum. Ipsos eger mendacium ipsorum. Sed ip-
sum mendacium ipsorum, labor est laborum
ipsorum. Ecce partim iustitiam, & penerit
iniquitatem. In omni enim opere malo, labor
est, & omne opus malum cogitatum, mendaci-
um ducem habet: non enim est veritas, nisi
in opere bono. Et propterea quia omnes lau-
ravam in mendacio, veritas quid clamaveris: "Ve-
ritate ad me omnes, qui laboratis & onerati
estis, & ego reficiam vos." Ista est vox clau-
mantis ad laborantes in alio Psalmo: "Fili
homini, usquequod gravi corde, ut quid
diligitis vanitatem, & queritis mendacium?
Aperi autem alio loco labor est in mendacio:
Docuerunt linguis suas loqui mendacium:
ut iniqui agent, laboraverunt.

89 Obijcies 5°. nemo tenetur alteri totam
mentem suam manifestare, sed partem ali-
quando potest celare: quia veritatem ali-
quando licet celare.

Respondeo ita esse, dummodo nihil dicatur
falsum, nec ullum proferatur mendaci-
um, uti profertur in casu de quo dispu-
mamus. Veritate in ergo licet aliquando celare,
dum id necessarium, vel utile est, vel ad
malum alioquin imminens averterendum, vel
ad bonum procurandum: quomodo Abra-
ham, interrogatus de Sara, dixit, soror mea
est, sed celavit esse uxorem, atque ita aliquid
veri tacuit, non falsi aliquid dixit, ait Au-
gustinus lib. contra mendac. c. 10. Quid si
veritatem celando mors tibi vel altero certò
immineat, nec evitari queat nisi restriktione
mental, equidem non licet ea uti. Tunc
proinde faciat... homo, etiam pro temporali
hominam salutem, quod potest: cum autem ad
hunc articulum veniam fuerit, ut rati salari
confidere nisi peccando non posset, jam se ex-
stimer non habere quid faciat, quando id reli-
quum esse perspicerit, quod non recte faciat.
Ibidem c. 17.

90 Obijcies 6°. ad mendacium requiritur vo-
luntas loquendi falsum; hoc autem non vult,
qui, licet exterius proferat sermonem falsum,
interius eum determinat ad sensum verum.

Respondeo, ad mendacium sufficere vo-
luntatem interpretativam loquendi falsum; hanc
vero haber quisquis edere vult sermonem,
quem leit disformem rei, ex communi-
ni hominum institutione per eam significata;
quam inflictionem suā mutare non potest
mental restrictione.

91 Obijcies 7°. potest quis secum proferre
sermonem partim vocalem, partim mental-
em, absque mendacio, etiam si sermo voca-
lis, seorsim à mentali, foret falsus. Similiter
ergo potest alteri loqui.

Nego consequiam: dum enim sibi quis
loquitur, principales partes habet locutio in-

terior, quam optimè intelligit, sed dum alteri loquitur, principales partes habet locu-
tio exterior, utpote quæ principalem habet
rationem signi, in ordine ad alterum; non
vero locutio interior, quam intelligere non
potest, nisi inspecto cordium.

Obijcies 8°. qui dicit v. g. non occidi, 92
confestim interius addendo, hodie, non di-
cit falsum, antequam addiderit: quia oratio
ipsius non est plena, sed quasi suspenса ab
intentione aliquid ei addendi. Ergo oratio
exterior restricta mentaliter non est falsa, eo
quod plena significatio ipsius pendeat ab ad-
ditione interna.

Nego antecedens: quia in humana locu-
tione unius ad alterum, ex locutione vocali,
& interna illa additione, non sit unum totale
signum, sicut ex pluribus vocibus externis
sit unum totale signum vocale. Quia interna
additio, utpote soli addenti nota, non alii,
respectu aliorum esse non potest signum sen-
sus ab addente intenti; ideoque locutio externa
ipsius, non obstante interna illa additione, om-
nium sensu reputatur falsa. Et invero quis non
apprehendit, cum qui vocaliter dicit: Deus
non est, dicere falsum, licet mentis addat,
brunum, lapis, &c.? Eiusmodi ergo compo-
nitio ex vocibus externis & internis reproba-
da est, velut lingua dolosa aliud in corde ge-
stantis, aliud ore promentis. Et hoc est quod
Concilium Trofesianum ro. 9. Conciliorum
Labbæ docet his verbis: Omne mendacium
suscipere finge. Omne enim quod à veri-
tate discordat, iniquitas est. Etsi in verbo ve-
rax, neminem mentiendo fallas. Non aliud
loquaris, & aliud facias; non aliud diccas, &
aliud animo tenes:.... Nos autem fugientes à
patre mendacem, curramus ad Patrem veritatis,
& loquamur veritatem ex corde & ore cum
proximis nostris, ut mereamur participes inve-
niri Veritatis æternæ. Audit etiam meretur hic
Cardinalis Bona Manuduct. c. 25. ubi dicit:
In omni sermone, gessu, & scriptura, aliis
que signis exterioris, veritas sit. Non deceat Chris-
tianum hominem labium mendax. Adultere
vixit & plebeium est; aliud peccare claudere;
aliud ore proferre. Vir generosus res simpliciter
enuntiat, prosciunt; non exagerat, non am-
plificat, non decipit, non simulat, verborum
involucra devit. Simplicia verba veritas sim-
plex amant. Qui vero mentitur, aut falsis,
rem duplice sermone obscurat, ut lateat. Odie
tucom, qui male loquitur, scit qui male agit.
Cave itaque, ne, ut vestrum, sic sententiam
habebas, aliam domesticam, aliam forensem;
ne in fronte ostentatio sit, intus veritas occul-
teretur. Ab hoc virtus abhorret ipsa natura.

CAPUT VIII.

Justa de causa licitum est juramentum ab inside-
li exiger, vel suscipere, quem seiss juratu-
rum per falsos deos.

I Ta S. Thomas q. 88. a. 4. ad 4. & ex
parte saltem S. Augustinus epist. 47. alias 93